



Plata dla Ploania Antermëia Sant'Antone Abat

Ploian: **siur Klaus Sottsass**
E.mail: klsottsas@rolmail.net
Curat: **siur Paul Campeï**
E-mail: campei.paul@rolmail.net

Calonia: 0474/520012
Siur Paul: 380 7345533
Siur Klaus: 344

UNITÉ PASTORALA



VAL BADIA
www.unitepastorala.org

Ann A 20.09.2020 - 27.09.2020 - 25. domënia ia por l'ann n. 43

Invidia contra bunté

📖 Is 55, 6–9 | Fil 1, 20ad–24.27a | Mt 20, 1–16a

Dal Vangele do San Mateo:

Te chël tēmp ti à Gejù cuntè a sü discepui chësta parabola: ¹Cun le rēgn dl cil éra sciöche cun n patrun de n avëi, che s'un é jü dadoman adora demez da cíasa, a tó sö oras por süa vigna. ²Al é gnü a öna cun i oras sön un n denar al dé y al i à condüt te süa vigna. ³Dala terza ora él indô jü söl marcé, y n'à odü d'atri dailò che n'à degun laür. ⁴Al ti à dit: Jide incé os te mia vigna! I ves darà ci che é iüst. ⁵Y ai é jüs. Dala sesta ora y dala nona ora é le patrun dl avëi indô jü söl marcé y à fat le medemo. ⁶Canch'al é jü dala önejima ora cíamò n iade, n'al indô urté de chi che stò dailò incërch. Al ti à dit: Cî stëise pa döt le dé incërch a ne fà nia? ⁷Ai à respognü: Al n'é stè degügn che s'à tut sö. Dailò ti à dit: Jide incé os te mia vigna. ⁸Canch'al é gnü da sëra, à le patrun dla vigna dit a so aministradù: Chërda i oras y paii fora le paiamënt, meton man dal ultimo cína al pröm. ⁹Al gnô chi che é gnüs tuç sö dala önejima ora, y vignun à ciafè n denar. ¹⁰Canch'al é rové pro i pröms, minâ chisc de ciafè deplü. Mo incé chi à mâ ciafè n denar porom. ¹¹Dailò ài metü man da se lascè sö cuntra le patrun ¹²y dijô: Chisc ultimi à mâ laurè öna n'ora, y tö i as tratè anfat sciöche nos; nos deperpo ùn soportè döt le dé le pëis dl laür y le cíalt. ¹³Mo le patrun ti à respognü a un de chi: Amì, al ne te vëgn fat degun tort. Ne n'este nia gnü a öna cun mè sön un n denar? ¹⁴Tol tü scioldi y vätun! Iö indere ô ti dè al ultimo tan co a té. ¹⁵Ne poi nia fà cí ch'i ô cun cí che é mi? O este invidius, deach'i sun bun cun i atri? ^{16a}Insciö sarà i ultimi i pröms y i pröms i ultimi.



Atlamaziun

DLA DOMÈNIA

Alleluia. Alleluia - Signur
dèuresse le cör, ch'i ascutunse les
parores de to Fi. Alleluia.

📖 Letöres dla 26. domënia ia por l'ann:
Ez 18, 25–28 | Fil 2, 1–11 | Mt 21, 28–32

Edema liturgica dai 20.09. ai 27.09.2020

2020	Ora	Mëssa
25ª DOMENIA 20.09 DL ANN <i>oferta por la dlijia</i>	9.30 10.00	Corona Gran Mëssa por la comunité fam. Ernst Winkler aniv. + Katharina Flenger + Anna Chizzali + Clara Canazei
LÖNESC 21.09 <i>s. Mateo, apostul,</i> <i>vangelist</i>	7.25	s. Mëssa + Emma Gehrig
MERTESC 22.09		
MERCUI 23.09 <i>s. Padre Pio</i>	7.25	s. Mëssa di scolari + siur Heinrich Videsott
JÖBIA 24.09 <i>ss. Rupert y Virgil</i>		
VENDRES 25.09 <i>s. Nikolaus von Flüe</i>	7.25	s. Mëssa + Honnes Zingerle
SABEDA 26.09 <i>ss. Cosma y Damian</i>	18.00	s. Mëssa prefestia ++ Otto y Erica Rubatscher (Porsenu)
26ª DOMENIA 27.09 DL ANN <i>oferta por la dlijia</i> <i>(1. Comuniun a Rina)</i>	8.00 8.30 !	Corona Gran Mëssa por la comunité a onur de s. Ujöp Freinademetz families Lisl Rubatscher aniv. + Linda Sottrovisch



Informaziuns y terminns

En domënia, ai 26.09. è la Gran Messa dales 8.30 deache al é la Pröma Comuniun a Rina!

La **Uniun di Ei dla Val Badia** (Kmb) inviëia düc i ëi y i jogn l'ater vendres, ai 25 de setëmber, dales 19.30, tla dlijia de Badia a to pert ala **prozesciun cun linternes y cianderes da San Linert so Oies**.

Le **Sorvisc de consulënza**, metü a jí dal **Sorvisc ai Jogn Val Badia**, é indô davert por cuestiuns, problematiches y domandes liades al'educaziun y ala jonëza. Vigni secundo y cuarto mercui dl mëis é l'educadëssa a desposiziun dales 09:30 ales 11:30 a Picolin y vigni secundo y cuarto vëndres dl mëis dales 13.00 ales 15.00 tl Zënter SaJ.un a La Ila. Al resta inant la poscibilité dé damané dô na consulënza por telefon al numer 3428410721 (Barbara).

Ai 26 de setëmber edl le **pelegrinaje dla jënt ladina**, metü da a jí dla Uniun Generela di Ladins, l'organisaziun sorantolunse eniann nos dl Uniun di Ladins dla Val Badia. L'encuntada é en sabeda, 26.09 dales 14.30 dan dlijia de S. Linert de Badia, la prozesciun pëia ia dales 15.00 y va sö **Oies** por les 16.00, olá ch'al sará la Mëssa col degan Siur Iaco Willeit. Lassö él da tigní ite les normes anti-covid (destanza o mascherot).

En la **Segra da San Martin**, ai 27 de setëmber, pîta la Uniun dla Musiga da San Martin dales 10:30 ales 20:00 spëises da tó para sön la plaza dl paiun. Al vëgn arjigné galüc, pommes frites, tutres, cajincí arestis y fortaies. Prëibel aposté les spëises danfora: la marëna cina les 09:30 y la cëna cina les 16:30, al numer 345 5920048.

US San Martin – Curs de pilates y crossfit cun Marta Willeit dai 06.10.2020 dales 20.00 inant vigni dedolönesc por 10 iadi te palestra a San Martin. Al vëgn tigní ite les precauziuns COVID (mascherot y tapet personal). Infos y iscriziuns al nr. 339 7384558 (Marta)

Le **dotur Edo Agreiter** è demez dai 21 ai 25 de setëmber; en lönesc, ai 28 de setëmber ne sciafiel gnanca da gní a Antermëia (al sará a San Martin). Al vëgn sostituí dala doturia Grete Mahlkecht 349 06 67 034.

Incö domënia, 20 de setëmber y indoman lönesc, 21 de setëmber, él da jí a **lité** (lites de comun y referendum dl stat). Recordesse da se tó do la cherta da lité.



Gottes Gerechtigkeit hat einen Namen: Gnade. Die Gnade, die jeden ruft: früh oder spät. Die Gnade, die jedem gibt, was er zum Leben braucht. Liebe kennt kein Maß, überwindet Neid, schafft Gerechtigkeit. Schaffe ich viel oder wenig, Gott braucht mich – und schenkt, was ich zum Leben brauche.

Mässes a Rina:	Dom 8.30 Dedol 19.30 Jöb 7.25 Sab 19.15 Dom 9.45
Mässes a San Martin:	Dom 9.30 Dedol 19.30 Jöb 7.30 Sab 18.30 Dom 9.30

	21.09 - 26.09.2020	Maximilian - Gabriel
	27.09.2020	Annika – Ilary – Stefan - Joel Unterweger
	26.09.2020	Carlo Piazza
	27.09.2020	Verena Winkler

Impressum:

Comunicaziuns:

Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | 0474 520044 o 3803520465
www.unitepastorala.org | www.comun.sanmartindetor.bz.it